



UNIVERSITÄTS-
BIBLIOTHEK
PADERBORN

Universitätsbibliothek Paderborn

Philomathi Mvsae Ivveniles

Alexander <VII., Papst>

Coloniae Vbiorum [i. e. Amsterdam?], 1645

XX. De B. Petro Petronio, Carthvsiano.

urn:nbn:de:hbz:466:1-12750

X X.

D E B. P E T R O P E T R O N I O,
C A R T H V S I A N O.

A pietate laudat, atque ab humilitate; qua permotus, sinistrae manus indicem sibi absciderat, ne Sacerdos promoveretur.

Virtus, ad imum nescia deprimi,
 Velox sacratis fertur ad aethera
 Pennis, nec unquam aevi fugacis
 Fata nocent, dubiisve praecipit
 Fortuna telis. Hac petiit polum
 Vectus curuli nube per aërem
 Divinus heros; hac triumphans
 Fama canit, geminumque vivax
 Accurrit axem, nec sibi terminos
 Praescribit ullos, cum meritis neque
 Sit meta summis. Vidit olim
 Sena parens humilem, tonantis
 Sacrum negantem tangere corporis,
 Laeva resecta parte, sed interim
 Sinus, decora sede, cordis
 Ara Deum rutilans fovebat.
 Prudens remoto qui indice semitam
 Signavit orbi, qua medium mare,
 Mortemque transgressus minacem,
 Astra petat, placidumque litus.

Huic

*Huic postferendus Mutius, & tenax
 Pompeius acrem missus ad Illyrin ;
 Vtroque major, spreuit ignes
 Tartareos, aliena solvens
 Delicta pœnis. Ergo volubile
 Aeterna vincet gloria tempus, &
 Muto loquax sepulcro, adustos
 Florida sub cineres vigebit.*

XXI.

IN OBITVM

FELICIS SAMVELIS
 RATGEIËSCII, POLONI.

A Ger Apollineam precibus dum quærit alumnus,
 Et medicam blando carmine poscit opem ;
 Labitur in somnum, captus dulcedine, Apollo,
 Nec puero gratas admovet usque manus.
 Sic Felix perit infelix ; quaque ipse medelam,
 Et longum petiit vivere, funus habet.

XXII.

DE EODEM.

S Pargite Castalides tumulum, date carmina Divæ,
 Qua extincti pueri busta decorant nitent.
 Vixistis quo vate diu, modo gratia par sit,
 Debet hic in vestris vivere carminibus.

XXIII. DE